

四庫全書

集部

欽定四庫全書

集部

古城集卷六

詳校官中書臣賈 錄

中書臣劉源溥覆勘

總校官進士臣朱 鈴

校對官編修臣朱 攸

謄錄監生臣姜 澤

欽定四庫全書

古城集卷六

明 張吉 撰

五言律

感懷二首

材薄知無補  
微官負讀書  
梵宮金布地  
歌館玉為裾  
鉦鼓三城戍  
桑麻萬井虛  
永懷愁絕處  
孤燭夜分餘

天意知何極  
瘡痍痛苦未痊  
西人方暴骨  
東國尚侵邊  
忠

諫須投竈愴邪自保全顧瞻猶寸祿長使百憂煎

端午次韻答蔣世欽二首

浩浩乾坤大悠悠歲月過西人張宴盛北客感懷多事  
靡投機括名空玷網羅好風知令節吹到遼梁歌

天涯牢落處佳節暗經過結客逢人少耽書廢事多有  
茅堪釀酒無葛未更羅忽捧珠璣唾何妨恣意歌

遣悶

我今真隱吏聊可告人云餌藥祛炎瘴觀書遠世紛草

庭卑可住山鳥遠堪聞之子如相訪推牕嘯白雲

獨坐有懷董子仁蘇文簡

自笑南遷客幽懷與物同碧梧深院月蒼篠古壇風道屈思求退囊空不厭窮美人何處望瓠葉萬層東

鎮南分司遇雨懷邵南菴

獨坐觀微雨幽懷斷復生草英侵地轉竹色逼蒼清踪跡憐飄泊經綸念老成明朝一相訪疋馬入孤城

和邵太守東臺落成之什

高閣不可極始登徵我人蒼生應有望勝事豈無因坐  
覺呻吟絕何勞爰舍巡興來歡欲舞先洒拂詩塵

次韻南菴久雨之什

客子困積雨蕭條住百蠻吾人安敢道真宰獨何顏江  
漲渾無地雲深不見山米囊探已竭菜色幾時還

再用前韻戲贈癡齋

曾聞天漏處今日見南蠻削盡睢盱態添來憔悴顏堰  
流思伐石避濕欲登山更假崇朝力扁舟似可還

度嶺

子夜飯孤館挑燈聽越歌百盤雲磴外三度筭輿過近  
眼非星漢鈎衣祛薜蘿疎鐘散清梵僧舍奈明何

舟中偶題二首

公事何時了孤舟暑亦西推蓬坐夜月伏枕聽晨鷄帆  
影凌風疾人聲傍水低客懷殊不滿一醉擬前隄

江色不可極客行東復西網縕隨野馬嘲哳逐山鷄渴  
罷茶烟細歌闌扇影低炎蒸堪一避松葉韻長隄

東流

江北踏將徧江南疋馬初白雲山雨惡紅點岸花疎小  
邑春惟寂清樽夜不孤

時與故人蕭大尹同飲館中

風簷吹欲綻久

客愧為儒

建德館中次戴司寇韻

石逕險疑斷畦樊縛欲斜異花溪女鬢深竹野人家新  
旭荷天霽紆途笑客差煖雲輕自散片片傍巾紗

重經南嶽

沿湘仍望嶽身世更茫然落影恐到海飛岑疑造天萬

峯都培壻三界即神仙共語人何在題詩憶往年

舊與  
吳獻

臣共事湘  
南因憶之

夜宿便水

漠漠烟村外孤舟宿暮雲郵亭燈隱見水國氣氤氳微  
月當篷露啼鶲隔岸聞客懷自今夕誰嘆久離羣

盧溪僻巖

見說蓬瀛外諸仙聚此巖織縉餘舊杼換骨棄空函石

險江流急峯危鳥喙緘茫茫天壤內境界自真凡

夜宿高都驛

江驛暮投宿緣崖纜短蓬枕衾烟草際魂夢水雲中役  
重民膏竭年復米價豐憂時心未了休訪避秦翁

驛隸桃源

故云

次韻白沙先生送李世卿二首

一尊滄海上喜共大崖君至道傷多故奇文到幾分欲  
論真有得端在屏虛聞俗吏拋公案逍遙弄水雲

江閣凭來久新聲傳楚謳二家未戰勝百氏總名流母  
勿憐歸鳥郎今買去舟中天望何許碧玉海東樓白沙作樓

名碧

五

萍鄉偶書

萍實今何在鄉名猶未更繩橋憩艤危土偶颯精英客  
計歌狼跋歸心嘆蚓縈獨看流水緩花底有餘清

別後寄張應時同年

之子面如玉沿流送我行低迴羸馬緩葉帖敝冠輕巖

邑經三宰茆堂只數楹野花開遍處吟望若為情時與應時

執別花下故云

袁河舟中二首

客子驅車久登舟似到家端居巾襪靜穩卧夢魂賒藤  
竹臨清瀨鷺鷗聚白沙幽懷寫難盡材薄獨咨嗟

舊葛未全破江船暑更登灘清堪數石魚瘦忍張罾老  
眼空眉睫蒼頭詎股肱故園雖咫尺山月望中升

晚泊南浦驛

紛紛冠蓋地一去十年春遊子慚兒戲諸生望後塵問  
津間盪槳訪舊欲沾巾衣帶飄遲暮天南萬里身

曉發開建

開陽寒日薄歸袂拂雲汀主客編氓戶玄纁衆鳥翔興  
添江閣近喜脫簿書仍奸蠹何由別殘樽愧獨醒

江行

晨起梳頭罷孤舟任穩樓野蕉寒葉淨溪竹露梢低寡  
愁寧憂漳言懷偶自題片雲江色外閒領客心西

重過封川

伐竹聲猶在懸車斂暝川驛陰孤艇繫天際一人旋搖落嗟何及瘡痍奈未痊寒宵頗幽事燒燭玩茶烟

賈太傅祠

先生辭洛邑謁見漢文年内嬖何曾盛中閭未弄權讒邪猶易入寵任已難堅萬古長沙廟遊人頗自憐

題楊志仁大參南寧別陳季廣憲副詩卷

楊子罹讒網南臺幸有公抗章申救力腐豎拙謀空

仁志

為李興所諧下獄李廣  
與諸御史救之遂左遷樽酒崑崙北

邕有崑崙

片飄湘水

東珠光敘衆目傳和入春風

戲調拙夫教諭病中

舊聞公善飯近日頗相乖疲倦惟高枕將迎懶下階石  
湍喧客夢山月照人懷亭宇便幽事真成吏隱齋

雲山酌別張鴻臚次韻周憲長二首

四國疲虓虎微康幸此邊勝遊方剥後佳景未霜前酌  
海金卮洞團空翠蓋連日斜捐侈袂幽洞訪鈞天

別甕收江色君哉古廟邊乾坤疑有外賓從覺無前帝業丹書隘民居部屋連九韶如眼在今古本同天

和韻遊東岡寺

倦借鳩藤力躋攀俛復興太虛捫斗問黃道跋雲登禪定燈猶續詩成手自謄戒心操已切行者恐盧能

七言律

赴謫景東舟發龍窟贈諸送行者

一分新漲入花叢醉眼摩挲認短篷獨鶴欲飛心萬里

幾人相送意千重彼蒼俯仰求無愧吾道蹉跎尚未窮  
數尺櫂逾春睡足不知天際棹歌風

和李子長三洲巖韻三首

嵌空亦借跂烏光萬里靈暉互短長玉乳分香來石罅  
芥舟潛影度均堂烟霞暫可棲凡鳥松菊能無戀故鄉  
我有月瓢輕一尾石橋曾掬幾分涼

突兀支撐太古前洞門臨水鎖蠻烟曾經兩度呼仙友  
恥復終年墮世緣虛室靜研雲磴外異花深擁玉池邊

崑丘玄圃知何處懸腕重揮憶舊聯

小徑通雲漫百紫乾坤誰斷妙空成何人到了何人未  
一步登來一步清芝草琅玕同氣味鸞翔鳳翥等心情  
若論風景非人世恍惚君山笛樂聲

崧臺館中

前驅頓節息傳呼再拜登堂坐繡鋪一代文儒非董賈  
三年足迹遍江湖敢忘稼穡酬艱食自有管茅葺敝樞  
莫遣粵人歌夜半令渠欹枕憶吳歛

答喻東之

春風昨憶到花期，送到藤陰某在斯。  
面目每家稽法相，端倪隨處闊乾規。  
斷金久抑同人占，作砭深陳抑戒詩。  
却笑阿舒真懶惰，何當椎魯少開時。

憶從東之遊  
時年十六

陪藩臬諸寅謁帝堯廟二首

在桂林  
堯山下

律律荒山帶淺流，維驂瞻拜古祠幽。  
帝仁本自同天覆，宗祀端宜到海陬。  
巖際未雲先得雨，松陰當暑已驚秋。  
十年冠冕二山名關心切，敢道歸歟始勝遊。

十里香塵送綵旛廟簷虛閣午雲偏山龍藻火天衣靜  
玉帛犧牲歲事蠲歷數百王雖繼統大猷千古絕隨肩  
摩空翠壁侔嵩華總是中天石一巒

再用前韻答陳季廣憲副

曉拂彤幃逐勝流楚雲深擁廟花幽皇馳帝驟參乾運  
桂海冰天亦近陬縹緲衣冠延暑雨淒涼祠宇颯寒秋  
倚空金碧頭陀院前二寺也感慨無端念此遊

再答周汝誠僉憲

不見茅階閃畫旆道垂終古絕奇偏風雷鼓舞聽猶靜  
江漢澄清玩未蠲在物惟天堪作對為君非舜莫齊肩  
山中古廟來遊日擊壤高歌亂有卷

孝廟輓章二首

一德康邦竹再苞周宣千古託神交狂僧腐暨殷鉄鑽

誅妖僧繼曉  
宦者李祥

故老元勲席土茅

錄誠意伯及少保于公後

直節優容天廣

大瘡痍涵煦地并包孤臣泣把求言詔莫報涓埃愧斗筲

聽覽躬親積弊紓何須戚宦力誅鋤文儒袞袞頻登對

紀冊滔滔不絕書仁孝固應垂訓遠勵精無改繼明初  
萬方灑血尤真宰不遣天醫下太虛

次韻蘇提學伯誠遊白鹿洞五首

滔滔泗水方堙阨再濬淵源憶此塲躬率後夫尋墜緒  
手扶休烈照遐荒路窮絕頂知真永月到中天敢議光  
三字符今誰領會先生筮得復初陽

石磴萦迴疋馬遲日高同拜大賢祠國嚴黨禁雖堪慟  
天祐斯文豈便衰匯澤波分天勢遠匡廬峯接斗光比

小齋醉臥東風裏勝事頻吹入夢思

白鹿呦呦亦幾年真儒挺出此開先斯民沒齒宗先覺  
吾道垂光映後天秦漢以來千百載頽曾之後兩三賢  
誰將幻語驚龍瞽謬指他途作正傳

夫子何年去此峯洞門長與白雲封經營今古伊誰力  
檢點乾坤第幾功喬嶽倚空墮巔嶺飛泉遶地沛流通  
我逢再掃榛蕪日喜濯閭閣揖讓風

獨躡名區慊舊聞繞庭蘭芷釀奇芬澑澑瀑布源頭水

冉冉香爐頂上雲古道倭遲猶往躅殘碑剥落尚遺文  
我知昭代欽崇意月戶添修八萬斤

盧溪謁周元公祠次韻

遺像端嚴殆逼真周情孔思宋衣巾羣迷夢魘初醒客  
久涸源頭落訪民嶽瀆高深侔作用乾坤命脉繫心神  
荒山野水秋風裏僭踵仙卿薦綠蘋

附原倡

儒道千年已喪真先生豈獨正冠巾一心契悟直

通聖數卷圖書大牖民剩水殘山嗟職業光風霽  
月想精神欲將遺簡躋庸孟四配尊罍共薦蘋

九日同孫少參姜僉憲王參戎衡州石鼓山登高  
九日頻年醉異鄉一尊今日復衡陽空懷餌菊勝食玉  
却喜剗鮮類截肪自詭隱宮雖醞鸞無辜赤子尚豺狼  
孤亭俯瞰波濤惡語及君臣淚滿眶

佳節揚麾尚紫烟一峯孤峭切規圓奔流赴壑雙江水

燕湘二水正氣侵天曠代賢孔明退之晦菴南軒薄宦膠融期脫酒故

人簪盍笑忘年東郊細雨偏蕭瑟百折鄉心翼鴈邊

奉詔宋儒龜山先生楊時追封將樂伯從祀孔子

廟庭次鄧本元韻

程門高弟知多少文廟登歆見此儒騰謗縱饒孫覲輩  
處心無愧展禽徒南方三子元相並東廡諸賢只麼俱  
禮樂敢容輕議在擁衾終夕夢夷夔

次韻顧貳守病中見寄

稀疎竹裏細雲邊也得君來是偶然清嘯絕羣閒牖坐

烈鼾撼壁枕書眠頭陀說盡無生話

時寓居僧舍

本草抄來

第幾篇莫厭肩輿數相訪十年湖海渴公賢

再次顧貳守前韻

淪茗相逢殼雨邊一番說起一醒然君來漾月亭前住  
我欲華山頂上眠鏡裏青絲留萬丈牀頭縹帙散千篇  
丈夫行止都由命與道翺翔是大賢

薄宦淹留海嶠邊心關幽事亦翛然園葵草際和雲剪  
野鶴榕陰避雨眠對酒日羲高桷帽焚香夜檢指玄篇

故人投贈多佳句元白方知不獨賢

芳草萋萋夕照邊一樽相對便欣然敢知造化都兒戲  
聊與乾坤一醉眠甕底蟹螯滄海味壁間金玉縉紳篇  
傍人莫訝酣中客清濁從來比聖賢

從來五管即窮邊今日風塵喜晏然細雨一簾高閣坐  
春星半榻小龕眠閒將謝眺澄江句博得劉叉冰柱篇  
欲呪漁磯烟水竭莫令動我大夫賢

景到紅稀綠暗邊天涯遊子故依然閒拈彩筆供吟弄

不愧青綾任獨眠，開口細談齊物論。  
清心潛玩谷神篇，鳴鳩乳燕郡齋午一榻。

送顧文時大郎東歸

江上君今著綵袍，樓船東去日嗷嘈。  
十年滄海歌麟趾，萬里丹霄見鳳毛。  
桑梓陰陰維客夢，烟花冉冉逐人豪。  
懸知他日壺山下，回首白雲天際高。

京口渡江

風霜高潔浪如山，一柱中流擁翠鬟。  
魚鳥浮沉窺瀚海，

東南形勢望潼關  
空中影響知成幻  
鬧裏心情覺亦閒  
却怪寄奴甘篡晉  
當初討賊竟何顏

徐州入舟遇雨口號

緋衣舞罷帝城春  
萬里驅車到泗濱  
滾滾黃埃聊與別  
霏霏凍雨便相親  
蜉蝣世界嗟同病  
甕盎乾坤笑獨貧  
手把殘經了燈火  
梅花數點冷依人

呂梁口號

緼袍立斷石梁陰  
一水滔滔亘古今  
湧洞大聲轟地籟

悠揚流沫盪人心詩聽伯子聲聲樂路覓宣尼寸寸金  
豈是腐儒崖慙少孤琴隨處得知音

次韻送廖敷錫東歸

清夜微吟廖子詩玉華深處少人知鳬鷺既醉同誰賦  
太極先天只自披廊廟威儀殊皎皎江湖談笑故遲遲  
坐收積雨空山酌暎到庭花第幾枝

送別李憲副考滿

三年凍雪灑南陬炎海生寒瘴癘收有貌只宜湯餅試

無情羞與畫圖謀不資耕獲蓄禽術便可皇上帝伯遊  
我欲山中問獵客麝裘狐腋價誰優

送別劉太守用光轉參閩省東歸

廉州太守東來日若問珠璣即兩兒苦熱相留纔數夕病  
軀對酌倦移時疎狂不厭江湖遠梗直真於嶺海宜為道  
同官程選部涪陵氣味念相知用光在廉生二子名珠璣  
對客輒曰此廉州土產也

和黃太守韻

獨鶴孤琴喜再留谷風千里不知秋詩闋戀舊幾章切

病在憂民何日瘳  
樂土可銷魚鳥恨  
洪爐難鑄古今愁  
胸中自有忘機術  
不假園鶯與海鷗

和丘時雍見寄

我愛先生嘉遜鄉  
南山之北北山陽  
蒼苔白石林間路  
短榻疎簾竹裏堂  
縣吏不來公事了  
塵尊委盡林田荒  
十年悽斷吳人詠  
撫卷長吟月滿廊

丙午除夕

時在景東

笑把巖廊博險程  
自知來往頗分明  
從教歲事更新故

未必天涯廢送迎心為懷家多遠夢道非師古敢冥行  
孤燈的的真無賴對客寒花徹夜榮

送段儲使元六官滿北歸

縹渺天南萬里身芙蓉秋水獨相親韶年舊事渾驚骨  
佳節深觥痛任真龍劒冶金三尺古鴈書點墨幾行新  
春花開遍長安日好折芳馨寄遠人

別後寄郴州何提學

先生高興薄雲間未老飄然萬里還塵夢酣酣真獨覺

世情擾擾更誰間生涯自喜耕犁穩道術深知小數慳  
野客三年思一訪竹輿今始挂門闕

次韻林都憲待用見寄行臺種竹詩

曾見丹崖鳳尾飄錦苞今映鏡波

臺近  
東湖

遙低昂百態心

虛見起滅千端影徹消哲匠西山捐犧梓美人南浦委  
衡蕭秋風許我延清賞預報扶衰度小橋

和王世賞大參見寄四首

相逢一笑更何疑枯朽含生臭腐竒遙望暮春懷點瑟

不爭閒著任秋棋君看大有同人占我賦車攻吉日詩  
半醉並遊清絕處江天涵泳兩無涯

五年恒苦阿奴癡饋我懷人輒食時真采何曾施績繡  
大聲元不假彈吹疎頑敢覬爐頭雪懶惰空慚鏡裏絲  
今雨灘江偶同醉月正猶恨對花遲

螺川一棹舊經過風日薰人奈醉何聽詩擇子傍烟語  
冷玉神仙聯袂歌遠夢霄騰天共永新知樽奩歲空多  
罷論嶺表猶氛祲喜見松陰裕葛蘿

百憂公暇暫寧除坐對幽棚落蠶魚雪月風花閒點染  
羲文周孔舊圖書絕塞干戈牢落後故人杯酒笑談初  
憂來若說病堪比請賂名醫卜晏如

答徐方伯時中和世賞前韻見寄二首

公來不雨破羣疑只占民間事事奇巖穴高人休閉戶  
問閭小子罷彈棋興涵東海如無水調入南陔似有詩  
當寧宵衣渴賢佐奮飛應到五雲涯

鉄鍼偶隨玄鳥過老天深意殆如何可令遠屋喃喃日

不著當尊浩浩歌稱愜總於重九遂別離都忘十年多  
醉卧峯陰遣誰伴春風吹綠上纖蘿

王世賞大參聞薦有作見示頗感近事悵然依韻  
答之

大衍稽疑只偶奇奇如我鼻偶如眉固應萬事都前定  
除是元龜解早知祇載虞皇嗤岌岌轍環尼父笑繫繫  
井蛙曲士非今日靜嘯灘江月上時

和季廣陳憲副陽朔題壁

恐湧泓坳混沌載環蒼玉慙寒虛

陽朔周迴皆石壁故云

圖經

桂壤依稀見貢篚荆陽閣畧書倚岫行塗騫舉舉窺因  
佛閣鏡如如曾無七劑瘳民瘼自菲深憂未破除

答世賞大參詩慰久侯昭平

萬仞雲濤百節灘捫空真有泝流難懷人鳥影看疑幻  
得報霜華踏不寒縱矢健兒喧急雨停杯清晝引迴湍  
從來惡土多榛莽偶把琅玕到夜闌

和沈憲長謁武侯廟二首

四海提封漢舊疆數天赤子泣高光期聲大義吞吳魏  
敢據初心老鄧襄北伐數罷龍虎陣登聞終綴鼎彝香  
一身生死關宗社遽死憑誰問彼蒼

盤空古廟古仍今翠蓋縈雲此眺臨業敝荆梁悲漢統  
詩陳板蕩誅公心九原色笑中都宰一節崢嶸北地諶  
竟日停車訪遺轍天教暄暖助沉吟

和楊大參志仁見寄

志仁舊官山東憲副因劾宦者李興謫倅長沙

今復起用

膾口新聲配鼎梅地忘陵險與沿洄磅礴勁氣轟齊後  
縹渺清飈颺粵來苗芳章章公議振梟鸞皎皎廟謨開  
一樽共醉儲胥月感愧秋風襯線才

贈蔡登

紛紛篆刻與雕蟲蠹蝕斯文幾一空四聖經中深有會  
一齋門下可無公回琴點瑟蠲心賞殷鼎周彝盍古風  
踏破月華歸別館夜談猶恨未從容

章丘洪都憲天章話舊

靡靡終風萬草萎相逢輒復語移時翶翔北土并南土  
檢點黃髭更白髭水部清風開尺度邊儲深計秉蓍龜  
崢嶸老態宜深谷却笑歸耕我獨遲

送賈都憲赴鎮陝西

斧鉞生風破曉烟璽書瞻捧下遙天全齊白墮拚沉醉  
分陝黔天倚熟眠事屢更張心自赤官多年所鬢猶玄  
芳塵望斷嗟何及豈為心嘉景倩仙

和林大參衡玉湘行一首

扁舟乘月入衡陽舊是王孫故逐鄉晚嶠徒雲慳雨澤  
秋花染露健寒香波濤任自掀騰閣薑桂從來氣味長  
數載公私都不擾郡人猶解說雍王

次韻贈門生方主事赴任南都

梅萼凌晨詞淺紅衣冰戴雪小扉東求知付客心情外  
贈別當吾掌握中造化盈虛元有數古今泡影可逃空  
片帆明日秦淮遠又隔門牆第幾重

送彭憲副令弟歸關中

海內人豪此第昆天祺端不愧斯文藏名樗散誰能見  
混迹漁樵世莫分侈袂翩翩衝野馬輕襟閃閃欵春雲  
入闢為報東山客一脉陽和寶八垠

次韻郭子漢同年見寄

偃宮細草弄柔纖風日無情晝夜添生事自便猶醞藉  
食貧何愧但虧鹽世情擾擾徒拘綬天道冥冥五凍炎  
孔墨再生容改轍席須微煖突微黔

奉和總督都憲林公誕日述懷

仗鐵臨戎善避權每懷東海嘆茫然九重旰食紓南顧  
百粵霜飛又隔年夜久嚴程喧露布風清燕寢穂檀烟  
固知拯溺須脩綆好把仙桃種玉田

次韻汪推府見寄

蛭蠚安能制海鼈百端關節竟徒勞從教閉口仍枵腹  
不廢吳歛及楚騷自有通衢堪縱轡須知淺瀨不容舠  
孤懷耿耿期天鑒忍戢雲翀避駭濤

送徐大尹行取赴京

桃李曾移匯澤塵

侯自都昌徙知吾邑

芳心三醉越溪春飛騰薦

荆交黃道振拔休光下紫宸哮吼每勞驅虎豹怨恫今

見靜神人瓜期念有經過便老眼歡睨牙角新

賀都憲林公轉任南都大司空

百年威望嶺西東浹耳銚歌沸遠空赤豹黃羆收拾後  
春秋月夢魂中鑪錘柄授咨元老劖履聲尖切上公  
夜醮三山稽北斗逋仙遺韻菟諸宗

時閩城中有三尚書皆林姓冢宰亨

大先生司徒用  
養先生及公也

梧州送鄭都閩往靖海關

兩河交漲欲稽天獨抱牙璋此放船大貝元龜開寶氣  
蒼龍白虎耀晴川英雄上策思傾否勞瘁遺黎念弛肩  
不見崑崙已潛邁中宵歌吹尚賓筵

次韻羅少參見寄

苦熱輸金莫市涼魚龍枯瘁麝無香天心泯泯司含垢  
衆口囂囂類敲簧酢物權衡操縱審感時篇什卷舒長

自慚衰疾兼遲莫敢乞崆峒却老方

再和羅少參前韻

獨擁纖綺坐夜涼清都金粟寶微香世紛無復騰埃  
塈仙樂應聞振笻簧雲楮新裁眠正穩月團旋煮味偏長  
端居自有超凡趣不在旁求大藥方

送王世賞大叅拜表入京

絳聲尖拂薄寒卿雲光裏颺威鸞萬年辰座瞻新斧  
十載經筵擁舊冠玉塵丰神揮夾越華燈骨肉照團欒

芙蓉採得堪持贈不惹纖埃色正完

和鄧方伯喜雨詩

岳伯露香虔夜拜魂招天畢返嚴更未炊萬口勝喫嚼  
不賞諸軍挾寵榮雲漢罷歌梟颺首巫厄合笑蔑雷聲  
即看蜡臘通三廣野老黃冠業已成

九月晦前三日興平舟中追和鄧方伯見寄九日

桂山登高詩

歷盡南陬千萬山行蹤獨恨此山慳得公詩意登臨外

隨我塵心紫翠間不作瓶馨傷菊老肯增灘白喜雲閒  
自愧胸中乏丘壑藤蘿到處可躋攀

送蔡元鼎僉憲之官河南少參

作器心知漸幾分三年挺埴每勞君準人自信堪常伯  
新壝旋看散凍雲世事紛紛咸定命吾心浩浩本無垠

中原老稚歌喬梓

元鼎父亦河南參議

瞻拜嵩靈祝早聞

答婁原善見寄村莊詩

自縛柴扉面竹林竹梢垂雨互升沉懸知伯子坐中意

却即宣尼川上心莞爾相延多野客巍然端擁只雲襟  
出門步步皆生意山到鵝湖覺已深

答毛雲窓見寄

十年飄泊西南日是處乾坤宅一區愚憲僅堪逃鬼責  
疎狂敢道覬天扶強兵訓練勞公力逋寇噭嘈避戰圖  
本恨長亭相見晚孤雲爭奈隔滯語

次韻孫孚吉見贈二首

一別心知歲幾更天涯孤燭偶同明娟娟缺月寒方淨

泯泯長河夜自傾迂拙士林憐我病清忠當寧渴公名  
鄉邦人物大司馬東序金鏞喜再鳴

漢唐中葉敝紛更不事紛更獨有明萬里帆檣欣比載  
百年葵藿誓同傾詩賡伐木延霜月劖拔吹毛斷利名  
可是道傍多冷笑海風鵬鷁類翔鳴

五言絕句

促何文甫廖敷錫限韻之作

君毋求險艱我只造平易蕩舟幾半日借問詩成未

清遠問鄒汝愚未到戲題一絕

迢迢清夜舟曉入河濱縣遲爾猶未來梨花開欲徧

永慕堂詩

有堂不忍登有口不忍說說著登堂時酸嘶暗流血

皤皤堂上人籍籍堂下草草青人不見憂傷以終老

蓼莪亭詩

感君亭子名輶我疏糲飯蒿蔚浩縱橫風飄淚如霰

松巖八景

珠潭浸月

月在潭水中水清月兒白風來莫吹動天壞吁一色

遠圃生烟

桃李欲成蹊幽人倦脣曉輕煙澹如抹天際青未了

方塘水活

芳草何時歇落花春自飛悠然憺忘食遊子川上歸

疊嶂雲間

雲山知幾疊山靜雲亦遲道人衣帶潤伸脚打眠時

巖桂秋香

朝眠巖頂雲莫醉巖底石巖花不知老香墮幾千尺

嶺松冬秀

紛紛兒女態敢與丈人謀獨有蒼髯叟寒山共白頭

溪濱奇石

君航洞庭日仗劒割雲根欲識蛟龍恨年年風雨痕

山頂靈泉

客問此何山清泉流不已答云古香爐飛入星源裏

次韻留別白沙先生

歸棹破滄潮遂成千里別亭亭玉臺峯回首心應折  
江門千樹花紅白紛點綴我登碧玉樓笑領幾莖去  
先生下堂來傴僂答我拜白日當戶庭春光浩無外

六言絕句

答李子長雨中遣懷

山僧豆雨熟時留得先生幾日眼中誰與為徒面面青

山湧出

汲澗冷分山月唶川影弄溪雲著處風光如此分明物  
外乾坤

翛翛萬竹禪龕冉冉孤雲石壁不是軒聲若雷怎得先  
生消息

嘆息崇朝陰雨半為花靨銷魂試學結趺端坐超然便  
到黃昏

茅林八景為姜太守題

大山擁翠

芳草遠遠蝶夢碧雲杳杳雞聲恰好幽人睡起一來一  
往心情

曲港拖藍

流水灣迴幾曲伊人宛在中央靜對綠漪滟滟笑捐黼  
黻文章

林溪漁釣

細雨斜風彌月剩水殘山幾分醉卧白頭浪裡茫茫烟

草黃昏

禪寺曉鐘

冉冉輕雲幾葉彎彎缺月半規坐斷清宵何許烟鐘長

短來時

龍潭秋月

我憶茅林深處冷然一掬寒湫山月娟娟相照何人獨

抱清秋

牛隴春雲

一犁澤澤東郊捲得飛雲千尺孟浪裁為舞衣拂拭堯

天春色

竹軒詩興

欲識苦吟心事公  
髭日斷幾莖幽竹翛翛遙屋間中月  
色風聲

芸館書聲

先生終日忘餐細嚼古人糟粕欲覓道腴一真休與筌  
蹄相約

三洲巖尋濂溪先生題刻不獲

洞裏遊人幾度紛紛石刻俱存夫子獨尋未見空歸暮

雨江村

七言絕句

贈同事吳順德獻臣赴永州

江心一見一胡盧諳練君應過野夫不是湖南聊共飯  
崑崙頂上洗行厨

舟中讀呂和叔四子言志詩

般般剪製皆春服曲曲溪山盡舞雩點也胸中寬似海

休將勺水席謳歛

附  
原作

函丈從容問且酬  
展才無不至諸侯可憐曾點惟  
鳴瑟獨倚春風詠不休

和吳茂貞大理見寄舟中感興三絕

經如造化妙難窺  
生長收藏自四時  
若語本原澄澈處  
寒潭秋月正相宜

附  
原倡

羲文易畫因重意孔聖春秋筆削心千古寒潭浸  
明月從來未識到于今

阿奴執役供家政問有能聲亦紀綱二氏大為吾道蠹  
彼疏斯粹敢相方

附原倡

語得元公太極圖易家蕪穢盛刊除三才今日歸  
吾手佛老真然是僕奴

是處江山是處天飢來喫飯飽時眠聲音笑貌都消盡

心似寒灰不入禪

附原倡

星槎三月泛江天半是看書半是眠棋局詩筒俱  
不設養成野性欲如禪

和瓊臺丘先生題陳希夷長睡圖

已逢真主御乾坤敢問孤兒寡婦們聊與釣臺為敵手  
百年高枕華山雲

附原倡

墜驢大笑便歸山衾枕乾坤分外寬一汎二杭閩  
又廣依然春夢未曾闌

浯谿

唐亭不見枕浯谿僅見峿臺谿水西一嘯度香橋外去  
山禽仍近古碑啼

送林少參赴京報政

記得中都爛漫遊春蘭秋菊滿囊收公今萬里看花去  
笑上東風十二樓

康總戎惠襪偶值偏將獻功戲贈一絕

丰茸軟滑雪彎彎踏雪方驚雪不憚鼠穴已空酣笑罷

陽和旋逐脚跟還

婁原善竹庄小酌二絕

別來心事故無窮坐落懸車語未終更闢柴門開小酌

千竿瘦竹兩衰翁

野竹森疎映石潭靈峯天際擁終南纖塵不到夜談處

月白風清酒半酣

三月梅花

齊人於桃根接梅  
則花遲實酢而毛

人力端能奪化工  
香吹穀雨半頭風  
道傍車馬自朝夕  
誰識原非積李叢

嘲畢都憲嘉會遊山

山泉何事漾清漪  
御史中丞理釣絲  
莫道仙靈都不覺  
白雲長與影相隨

送胡崇正往掾湖北

敬齋謀道不謀身  
身后孤兒徹髓貧  
造化無私天有眼

桃花應笑武陵春

長山謁范公祠四絕

除却唐虞三代時  
古今人物合先誰  
孔明後漢公前宋  
炳炳遺材不復疑

合下論公天下心  
諸賢孰與我公深  
周情孔思元都在  
却到濂溪始解尋

拜相後先公與馬  
公多容色馬多憂  
若更慶厯為元祐  
公亦須憂到死休

長白峯高水亦清安知不有異人爭山僧獨說微時事

百秤黃金一芥輕

報國寺吊古二絕

宋宮故址有大內池  
井及女教場俱見存

朝市山林幾變遷冥冥宮樹隱寒烟三千歌舞今何在

只有澄潭映碧天

海角偷安昧遠圖長驅鐵騎若摧枯公孫劖氣如風雨

皓齒佳人學得無

贈孫天初二絕

簿書旁午無虛日應接勞叨沒了期流水灣灣雲片片  
誰知到處露天倪

禿空打坐終成幻抱膝長吟亦可疑事到面前須放手  
心當靜處不消詩

野鶴亭口占

孤亭戶牖倚雲開舊是神仙蛻骨臺朝市江湖俱在眼  
半空容與絕塵埃

送醫者王十七還鄉

東郊格鬪已三年虎嘯狼嗥尚滿川素女遺編何處了

錢塘江月淨娟娟

小齋風雨幾昏黃堅坐移時詰柄長忍聽鄉闌近來事  
萬夫流血恨潘郎

肥城致政張太守榮壽卷

緋衣歲歲弄春妍百歲今過九九年智數平生都不用  
心香一瓣答皇天

章丘道中

渠柳梳風麥漲陂烏鳥含哺療離飢勸農使者驅車急  
正恐回回眼下遲

戲嘲周尚文紀善許假隣莊

莫笑周郎舊縕袍唐王甕繭憶親縲中洲何日收新穀  
小麵香醪醉我曹

重泛府江三絕

晝日如炊夜欲霜杪秋南國景非常十年飲徧灘江水  
又折幽香舊路傍

小帆鵬激大鵬騫勢劈層雲影射因畢竟得風先到岸  
休將巧拙咎長年

曾舞戎軒破陣雲血痕猶隱岸花芬勦赤子都安寢  
敢記當時尺寸勲

讀象山語錄二絕

晦翁曾見嘆支離老死禪門自不知益脚遮頭論學業  
寧憂雙眼會潛窺

欲知儒術異禪宗只在公私小大中讀罷遺言三兩段

廢書高卧便能通

留飲于同年世和宅中命其子鼓琴為歡奉謝二

絕且併招之

海陰徂暑簡書忙偶趁祥曦上省堂好酒一尊琴數弄  
人間真有馬丹陽

都將案牘委塵埃半醉鼾鼾一覺回我豈白雲無意緒  
玉人應肯抱琴來

全州會衡玉大參泛舟半月至渌口相別戲贈一

絕

摻祛一別小湘東半月孤帆趁下風滾滾湘流期到海  
此情何地有終窮

重過衡山有感

荆揚鎮嶽本衡峯何事人皆奉岱宗病起昭王在今日  
須知河伯亦蒙封

拜少保于公遺像

莫言天道窮難窺事勢阽危輒可推扈蹕使公軍土木

身膏草野有誰知

萬古中原恥未刪徽欽懷愍不生還拊髀豪傑空嘆息

無計登公晉宋間

國事當初若緩旒南遷邪議已先投背城餘燼非堅土  
坐見江山半壁休

遺像侵晨拜且觀霜毛森竦淚闌干英雄切齒知何限  
欲鬻奸諛肉細食

指揮破斧掃櫬槍天步艱危覩再康一代孤忠隘前史

蓋將謚法少更張

公謚肅愍意  
宜改忠愍

奮于當奮本隨時大易真宗豈遠而自是君恩深似海  
區區進退莫相疑

喜天初徙寓三茅觀三絕

闌闊從來捐道心荷衣新趁碧雲岑無媒寄謝無塵客

少保門前莫謾尋

舊寓與少保于  
公故居相隣

孤蹤落寞捲殘雲詩瘦捫腰減幾分我是夢中聞靜嘯  
恍疑身世在蘇門

仙禽鬻鬻鹿呦呦誰見幽人儼姱修若道六經皆註脚  
須邀造化與同游

玉萱詩

楓山先生弟沛別母遊杭得報北堂萱花白者  
數朵以為壽徵喜而求賦

曉庭微雨濯瑤華愧殺羣芳醉落霞恐與蟠桃共花譜  
三千年一耀靈葩

兒在天東憶此花非金非玉淨無瑕曾孫幾輩頭如雪

袖拂寒香日未斜

送陳文俊東歸二絕

獨買樓船作虎騎  
蒼梧驚見鳳來儀  
逢人若問誰相伴  
笑指羅浮月一規

溪花如繪水如金  
澹澹娛人了不禁  
却抱槁梧東海去  
乾坤何處更知音

烏符觀讀呂仙詩  
刻忽報藍祁陽改知嘉善喜賦

二絕為別

執茗仙宮認舊題  
冥冥山雨鷓鴣啼  
路人開口尤真宰  
捲送陽和到浙西

嘉禾風景異  
活臯百貨都平米  
價高閨月林  
盧多好夢家  
家饋餚欲流膏

松洲莊四景題贈劉景用

松洲風景近如何  
鳥哢桃花水漲莎  
咫尺相思不相見  
長鬚空自走江波

松洲風景近如何  
菱葉荷花淨遠波  
謾把碧筒揮酒伴

鬼神終夜泣酣歌

松洲風景近如何茆屋秋陰長薜蘿攏徑如雲三百頃

老農談笑劇懸河

松洲風景近如何殘雪疎梅共一窩獨笑江湖清絕處  
寒漪輕漾暮鐘和

湘江漁父詞四絕

扁舟來往小灘間占斷清湘一兩灣日午風輕魚自樂  
相看不厭任畧閒

世業從來只小舟相傳一味是無憂烟消竈底魚初熟  
臺笠蒙頭粥半甌

郎今送客下平川更賣肥鮮了課錢老去獨便多自在  
慣依叢篠枕曾眠

柳花飄盡荻芽長艇艇魚苗有數筐日晚江光看漸遠  
販兒燈火下瀟湘

次韻婁誠善春日樓居四絕

匹馬尋春到甕城城中春色自分明半空絲竹轚清晝

遶榻晴雲閣鳥聲

春事俄驚欲盡頭  
強舒眉宇此登樓  
笑談喚醒幽人夢  
共倚簷花看水流

三月看春尚未齊  
樓中聊共片雲棲  
欲知深暝無言處  
衆鳥飛來寂不啼

伯子移舟向古陂  
晚漪觴我不嫌遲  
小樓獨下湘簾坐  
也到斜陽半壁兒

送段儲使元六官滿北歸

我兄行去聲派子相同見子思兄意萬重骨肉千金官一

羽萍蓬深愧謾西東

次韻白沙先生見寄葵山之作三絕

乾坤獨放幾人閒一曲高歌又此山腳底秋雲三十丈  
不知朝去暮來還

何人忙裏會偷閒是處江天是處山滿袖茶烟吹不散  
瘦筇前日古勞還

浮世勞勞更甚間丹陽人已到葵山草鞋不帶紅塵氣

換得神仙兩鷗還

呂仙亭餓鄒宗道赴京二絕

故人別家遊河朔  
莫厭山高尊酒薄  
明朝一艇下長川  
亭際空餘松子落

朗吟亭下莓苔綠  
對酒那知春句足  
為君拈起紫鸞笙  
強把燕歌吹一曲

水坑山家與何文甫廖敷錫限韻同賦三絕

一犁烟雨荻村田  
細雨浮花入近川  
二麥計收多十斛

瓦盤盛酒拜皇天

雲裏雞聲雲外山竹門無鎖倚雲關香風一逕稻花落

人自歸來鳥自還

鶯兒恰恰聽來堪芝草聯畦味正甘莫把鶯兒打教去

山人留伴採芝籃

朱岡道中三絕與陳子文同作

清晨一棹長林端水聲沉濺日色寒行人見水不見日

黃葉竹兜千萬竿

小橋欲度更沈吟笑對酸儒楚水潯谿女蕉衫黃勝錦  
看人間倚竹門陰

天放狂夫半日閒來聽墮老立談間如今早稻場花丁  
打點腰纏帶月還

清溪道中二絕次陳子文韻

小舟蕩漾清溪津遠雨看來疑未真海西斜月忽到席  
對酌江心只兩人

下有航稌上有麻南風吹盡木絲花新芻村酒家家熟

笑止遊人憇小車

都橋道中二絕

涓涓流水兩三灣風竹鏗鏘杳靄間閒坐筭輿烟外去  
不知身世在南蠻

歲莫提兵出洞心野人雞犬靜無音飄蕭兩鬢衝雲濕  
興與樵夫論淺深

歸田十詠和韻送劉教授歸廬陵

送君此日會何年攜手河梁一惘然鏡裏銀絲三十丈

到頭贏老不贏錢

峽雲影裏飲長年鄉思潮聲共渺然聞道乾坤一鉅壑

鱸魚到處不論錢

其年西江  
大水故云

驕兒莫謾詫芳年老病歸來也帖然若把黃金買身貴  
箇中那得有閒錢

折竹沉舟罷釣年滄波萬頃任茫然村中社飯食須飽  
敢愛囊中折二錢

公已捐書絕學年螺峯一覺日桮然石頭作枕雲為被

頗覺閒眠獨省錢

枯楠病橘三千年遲爾歸來一粲然就裏風花并雪月

招呼不用一文錢

兩脚紅塵今幾年這回跳出却恬然螺川薄酒甘如醴  
下筋何須日萬錢

厭餫雲山公暮年昂藏野鶴共躍然脚跟芒屨無今古  
慳得蘇公幾眼錢

看花莫嘆薄衰年老眼方知花欲然若到穠華滿天地

少年那日不輸錢

山中麋鹿總忘年  
松葉深深路窅然  
我欲訪君恐難覓  
先輸鬼谷卦頭錢

次韻白沙白龍池四絕

雲滿崑崙水滿池  
玉龍眠處少人知  
曇花亂落林僧語  
時聽疎鐘度晚漪

山頭青壁險如懸  
山下松風颭石泉  
見說仙翁攜布被  
幾回來伴老龍眠

桃花白白柳枝黃雞犬聲喧雲日光幾波流水帶脩竹  
應有仙家竹裏藏

一水差差漾碧池山僧日上了經時老龍來乞還丹訣  
碍動谿花三兩枝

王世賞大參以途間詩六首索和次韻如左

醴陵

客衣蕩泊海雲邊孟浪驅滇泛廣年斬却諸魔無惡夢  
始知高枕即車船

雷家鋪

郵亭燒燭健飛蝠賈豎歸縕喧小汀踏破月華仍有伴  
湘雲如練楚山青

衡陽

十年前事偶心憶棹拂衡湘醉始醒不到先生唶望日  
芙蓉秋後為誰青

祁陽

形影相隨自不孤觀頤敢道口難糊度香橋外寒芒動

遙望文星落半途

全州

驅轂沿湘冀已更湘源寒日曜前旌行人半入炊烟裏  
報到南邦第一城

觀陡

流水波波蕩遠天一波一曳陡間船鬼謀不與人謀會  
坐見通渠作涸泉

南界獐村二絕

誅茅作瓦十餘家竹裏寒梅漸著花莫嘆獐兒生意少  
谷風偏起自天涯

陸青山下界南村古壁嵯峨宜駐軍健兒伐鼓奮雙臂  
細雨廉纖天欲昏

江北紀行十六絕

六合觀

明太宗  
渡江處

神龍奮迅挾風雷洶洶鯨波一叱開萬國班聲海應沸  
太平天子自燕來

江浦別莊孔易先生

天南天北往來間，盡日看山了未閒。  
頗覺崑崙多遠派，

定山高對小廬山

定山孔易先生所居小廬山白沙先生所居

活水亭前草閣東，偶來無語立從容。  
梅花淡淡含春色，

野竹瀟瀟動谷風

活水亭草閣皆孔易先生所建者

昇中寺

在江浦縣南二十里宋高宗南渡曾飯于此

山僧貌古袖翩翩，猶記高宗駐蹕年。  
敗壁朔風應掩耳，幾車冤鬼泣江天。

烏江觀項羽廟

天挺雄豪殄暴贏  
喟喟四海望更生  
却忍操脂投烈燭  
自干天紀望何成

天亡一語更含糊  
正恐君王善戰辯  
幸垂死此心猶未悟  
江流千古慘悲鳴

和州觀

明太祖  
渡江處

百年塞馬嘶華月  
南下天兵駐此濱  
椎髻掃除施冕弁

江津莫錯比河津

江津指采石  
河津指孟津

鐵騎長驅出塞門  
高皇功業配乾坤  
白旄黃鉞濟江處  
盈盈水木含清芬

舍山拜游定夫祠

聖涯涵泳程夫子  
門下如公不數人  
遺塚歷陽阡陌裏  
殘霜枯草獨生春

居巢弔范增

秦項真如弟與兄  
滅秦興項子心情剛柔迭勝本天道  
奇計原來學未精

夜宿廣德寺

驅車遠出長林下偶共孤僧語幽榭春星半壁淡無輝  
獨醉松風了清夜

曉飯金城寺

曹操伐吳駐兵之地

坐看流水緣溪碧深院落花香蜃積東都腐蘡計吞吳  
長坂屯軍尚遺壁

遊冶父寺

歐冶子鑄劍之所故云

山葑纖脆裊裏銀絲飯客虔供行者師指點雲端歐冶宅

金華先生集

卷六

劍光中夜白差差

經周瑜墓

在廬江縣

破盡曹瞞百萬師  
建安遺叟望傳麾  
可憐皎皎鍾山月  
不照成都赤羽旗

桐城贈方與義同年

與義以黃門謫知資陽縣時守制居別墅未會

鬢根花影帽簷風  
閃閃風花百醉中  
欲躡芒鞋尋別墅  
今吾恐與故吾同

安慶謁余忠宣祠

賊衆侵元公死之百年俎豆謂非宜天弓若射櫬槍日  
併毀降旗與戰旗

桂林雜題十一絕

伏峒祠

蒼梧水手亦何知勸我祈釐伏峒祠伏峒祠神知我否  
我生元不憒祈釐

上灘

篙師疾叫如冤鬼聲徹江心石也穿急雨一篷揮汗罷

惡灘猶說在前川

開酒

僕夫煥矣我猶強有酒盈樽忍獨觴散與僕夫同一醉

半江風露夜初涼

觀漁

廣西人家避獵賊盡住波陀臨水山或移小艇供垂釣

只去前頭一兩灣

十六夜同獻臣對月

昨宵對月負佳期今夕開樽野水渭月色細看元未改  
人心安得本無疑

奴剛持酒到沙頭月亦東來照我甌人事天機都恰好  
却疑今夕也中秋

崩沙

有客相逢崩沙滸正值船頭西去時會得虎溪三笑法  
青山影裏一枰棋

平樂

景陽先輩亦賢哉廷美同官水部來院裏燒香方罷淚

中亭詩句更興哀

葉景陽余廷美俱卒平樂時  
拜廷美櫬而讀景陽詩也

水心亭子隔浮埃石趾團團類壁開醉來不記昭潭路  
道是嚴陵舊釣臺

登鑑山寺

西風吹瘦瀨谿形雲磴躋來百級零寺裏有僧都未見  
晚峯遙映佛頭青

山粟

山栗離離被石頭也須銷得老農憂日斜獨自緣青壁  
手把長矛逐野猴

洪江驛

成化初伯兄麟官此驛時苗蠻作耗兄擁衆登  
寨禦賊有功

亭外深陰慘欲昏荒茅芾芾亂流渾寨門一劒遮勍寇  
猶見居人話伯昆

惶恐灘憶文丞相詩句

戰馬橫奔寶刀折  
邊軍夜醉關山月  
厚祿徒資賣國人  
傷心恥向灘頭說

暮發吉水

流水涓涓月一規  
月中人在水心時  
乾坤好景元無數  
喫用今宵些子兒

水碓

萬轉冰輪挾雪飛  
俄然飛去復來歸  
欲拈七筋還思睡  
幾粒盤飧觸駭機

水磑

眼空心正齒參差不法工倕法偃師我有一車三百輻  
肯教容易水心湄

晚泊洪福寺前大水

竈底蛙聲木上曾洪濤減盡各村燈船頭佛腳疑相並  
只好低徊對野僧

湖水漲入龍頭山無復畔岸舟人迷惑誤入興真

觀會道士茶話戲題一絕

桑櫓繁迂度林杪落花深處聞啼鳥仙翁出洞笑相迎  
流水悠然天杳杳

莫投上葉村二絕

白妥紅殷翠欲勻小園猶見未殘春盤中細蕨兼新筍  
更喜山家味最真

野翁短髮亂鬢鬢門外春山懶自登獨有池魚堪飯客  
日斜閒放兩三鴟

過羊橋峽

千尋絕壁凌丹闕百丈飛泉墜碧潭半醉中流一俯仰  
此身疑與列仙參

兵書峽

懸崖一橫古嶙峋百箭紛披激水濱恐有鬼仙曾脫骨  
謂弢兵法却非真

沉香巖

巖广垂空萬木斜仰窺如對鏡中花吏人報道三年外  
尚有沉香積數車

金利水口

埜童笑入青蘿去  
門掩江聲落日斜  
一段風光催客棹  
傍人莫問腳頭賒

莊田坂中

筍興懸度百家莊  
道道渠泉版版牆  
二月生涯已盈目  
麥波蒼翠菜花黃

壽康驛讀韓都憲詩刻

江亭此刻不模糊  
二十餘年冠難除  
燈火夜談聽父老

相公開府在蒼梧

鄉人云自韓公移鎮梧州西賊不復作矣

封川館中書堯夫遊伊洛詩因述此

茶因味苦難成啜花到春深不可移獨掩半扉無一事


戲書康節數聯詩

南津阻風

風留客舫南津口獨語蒼頭欲暮天微火漸溫茶鼎沸  
遙篷添得荔枝烟

韶州

曲江山色青於染點破遙空數片雲柔櫓晚經清絕處  
客愁應減兩三分



古城集卷六

欽定四庫全書

集部

古城集補遺

詳校官中書臣賈 錄

中書臣劉源溥覆勘

總校官進士臣朱 錄

校對官編修臣朱 攸

謄錄監生臣姜 澤

欽定四庫全書

古城集補遺

明 張吉 撰

待報記

秋七月癸丑月當食晡時坐廳事待報赴軍司奏鼓有持牒者匍匐詣庭下泣且訴曰某浙東金華人業醫淪落于茲久弗克返有近村人以視疾請貸馬而往道遇貴者未即下被執以歸捶掠無完膚烙其馬納諸官既

而捨之則貸者辭以烙故不受歸其直已復奪取之是以訟嗚呼醫賤役乘非所宜也之近村馬可不貸也是皆當已不已以及於難易曰負且乘致寇至聖人之言雖歷萬世如指諸掌如此若貴者馭民不以其道怙勢馮怒凌虐不幸是亦為寇而已欲避其名其能說乎是雖一事君子小人之大戒存焉不可不記

端州石鳳記

端北石巖中有石肖鳳者二郡人因以雙鳳目之亦嶺

外一奇觀也庚戌十有一月偶以公暇載酒造焉觴既潔座客陳冕子文氏揮手離席指顧鳳處且曰近為盜竊其一求而不獲視之果然其存者昂首振羽不躊躇翥儀章奕然與鳳無異因嘆竊取者之不仁獨秘以為已私不與衆人公之也夫鳳靈物也其見其隱瞞道隆汚益矰繳所不能逮豢養所不能馴茲獵於匹夫匹婦之手非以其質非耶聽其聲而覩其實其弗克獨完也則宜使是石也鳳固非今日從容狎玩之資而彼亦安

得快其忍心耶噫鳳不可見矣苟是石存而不毀亦足以識鳳之在目而使斯人無忘其所願也彼竊取者真不仁可論也夫因識諸石以勸來者

邵氏小宗譜序

家之有譜所以紀世次叙昭穆辨族屬也世次有遠近不紀則忘昭穆有尊卑不叙則紊族屬有疏戚不辨則淆三者有一焉人道乖矣此君子之所懼而譜牒所以不可廢也抑古人之於宗族統之以五宗之法綴之以

會食之恩經之以冠笄喪祀之禮紀之以孝弟睦友子  
愛之道所以維持總涉之者無不備焉而猶懼其不免  
後世數事盡廢獨餘是法可以使人少知本源派別之  
因革不至於離散耳復棄弗圖則數世以後恐死者不  
知其墓而樵採莫之避生者未諳其面而俯揖不相加  
矣此尤君子所不忍而譜牒其可忽諸邵氏小宗譜者  
譜邵氏之小宗也邵出康節先生弟維之後世居湘陰  
祿塘是譜則維十世孫宗仁與族子康孫之所析焉邵

氏大宗故譜備載家世本末甚詳至是各錄一支以便  
省覽而邵氏之譜三有合而為一者焉有析而為二者  
焉凡若子孫觀其合而一者則思繼別而下初無彼此  
之間可以念其同矣觀其析而二者則思繼彌以外不  
無輕重之差可以審其異矣念其同者情也審其異者  
義也情不掩其義義不滅其情則其有所懼而不忍者  
庶幾免與今刺楚雄敏汝學者宗仁從子而吉之莫逆  
友也請述其故以告其家故不辭而為之序

送石經厯序

朝覲之制所以秩君臣之分達幽顯之情審治忽之幾明黜陟之法其為典也甚重考之虞書周禮諸經所陳及秦漢而下歷代信史所載雖有沿革損益之宜未有芟夷鐫削以為無並不舉行者我太祖高皇帝既掃有元肇造區夏乃斟酌古法約為三年一朝之制先期方伯守令暨百執事各舉所守境內神祠職役版籍符章以及孝廉奸細之徒窑冶魚鹽之利備書諸冊挾詣京

師與衆畢會越明年月正元日入見獻焉於時冢宰齊  
戒受質日集百工於庭按其事之善敗考其政之舒慘  
原其心之公私察其識之明昧復以上聞乃因殿最以  
行賞罰故事情無所掩覆公器不至濫施為萬世不易  
之良規也逮茲百有餘年聖子神孫守而勿失今皇帝  
嗣大厯服恪遵成憲愈久彌著成化二十三年實當天  
下朝覲之期時景東則我經府石君介夫將事介夫見  
可而行聞善則服其官是郡六載有奇而民悅之是行

當書上最以快衆望必矣雖然尚有說焉景東地極邊  
陲民甘鄙野婚姻葬祭之不經九法三綱之未著皆子  
習聞而稔見者亦思告諸方伯以達冢宰冀上聞乎其  
歸也亦以上國道德仁義之風文物衣冠之懿不斲不  
匿播告于吾民乎夫下有以達之於上則司牧民者知  
治道猶有未洽而以堯舜之心為心上有以達之於下  
則凡作我畜民必思改絃易柱而恥弔詭矜竒之習有  
不足為者矣此君之所以責望臣之所以對揚而朝覲

之典古今所以踵而行之之義也若其旅進旅退無可無否執虛文以應故事廢公道而媚私門其所負者可勝言哉行矣試以吾言仰而思之必有合者毋徒曰是非吾所及也勗諸

楚雄陳貳守作拱辰橋序

雲南處天下之顛衆山羅列萃為淵藪無甚廣河博澤諸郡經流曲折盤束山峽間率湍猛駛疾恠石斷齶錯午雖有舟楫不得施當涉之津賴橋以濟而水勢震盪

激噏木梁輒壞歲一勤民者皆是也楚雄拱辰橋舊名  
前浪材亦木耳今太守邵公與今貳守陳公圖為堅久  
之計乃命工鑿石為之而易以是名蓋創謀經始則邵  
公而區畫綜理終竟厥事實陳公也隸邑定邊令馮  
君源廣遣使告曰古人有編竹橋濟浮蟻者卒以陰德  
魁天下况濟人乎二公此舉必吾子喜聞而樂道之者能  
言乎哉予不獲辭既為邵公繆言之矣敢愛一言於陳  
公乎孔子作春秋凡城池郭郭臺觀門廄苑囿一切力

役之征並書諸冊說者以為重民用也獨橋梁一事不  
經見豈魯地七百里之中沂泗濟汶諸水所道歷二百  
四十二年之久獨無一橋可紀與疑亦有焉聖筆變例  
畧之也矧僖公既修泮宮橋必三已考諸經而不載非  
在所畧乎夫用民一也聖人作經或備而不削或畧而  
不書則夫因民病涉不得已而有為視彼得已不已重  
困民力以為之者固亦有間而橋梁匪他力役此不亦  
彰彰矣乎故子產以乘輿濟人孟子譏其惠而不知為

政及論所以為政則亦不過因時以治橋梁而已嗚呼  
聖賢貴王賤霸故佚道使民協於王道春秋以為常事  
不書而孟子所以辯子產者亦以王道律之耳公所為  
蓋得春秋孟子之旨而馮君之請不為無謂則予不以  
諱複已於言者其亦有以也夫其亦有以也夫

贈那太守序

元江太守那君既拜官蒞政景東太守陶君議遣重客  
往賀之謂不可無一言也而屬諸予予亦意忝吏茲土

於那所治為隣疆域所拘不得造庭下周旋再拜以就  
下賓之位則其所屬者固不敢以不能辭今之郡守古  
二千石刺史之職也漢宣帝嘗曰庶民所以安其田里  
亡嘆息愁恨之心者政平訟理也與我共此者其惟良  
二千石乎唐文皇亦言為朕養民惟在都督刺史二君  
漢唐令主其言如此郡守所繫匪輕可知我朝列聖相  
承尤慎其選中州諸守非廷臣久隸臺省有聲望者不  
注否則外大夫之奉訓議治平最優者也獨雲南遠在

要荒之外國初諸蠻梗化叛服不常西平侯以便宜從  
事令各酋有能奉土入欵者即拜以官俾世其職故那  
氏得以代守元江至那君亦貴厥尤而官之夫廷臣之  
隸臺省與夫外大夫之奉訓議皆奮身甲科累勤他職  
者也僅獲選守一郡良為不易而那君席其資蔭不仗  
一藝而有之又若無甚難焉天下之物得之難者其操  
之必切而失之必不易惟其得之之易則驕逸所乘鮮  
克有終者多矣脫有得之難而喪于易者其可賤滋甚

或雖易而得之卒知謹畏勿阽喪越豈不尤可賢乎郡  
守一邦生靈司命與君人者分憂非特一物之比顧乃  
易而居之惑孰甚焉那君世祿之家膏粱子也苟不情  
其得之者孔易而思所以居之者孔艱則賢於中州之  
士拔於微賤以有其官而不敢易之者遠甚陶君所屬  
豈直一人之慶一邦之慶也是為序

辭留唱和詩序

公始蒞端在成化丁未八月而吉以弘治己酉七月來

官越明年吉持公檄按獄長沙而公以疾求解職百姓聞之憂懼不知所為於是匍匐走當道泣訴乞毋歸公不誠而集者幾千人既得請公疾適愈而吉亦襄事以還公自卧疾至復起視事各為詩以寄意不易韻而三賦之閩境內外和者甚衆郡校二三子彙為是冊南都春官尚書郎高要程君貫道題曰辭留唱和詩而序其首間示予次第閱之雖其音節氣格不無浮沉俚雅之辨而切切以憂公之去喜公之留為情則諸篇一律也

予嘗論今之為政當先救其敝而徐圖之則民不勞而  
定矣昔西門豹治鄴知其弊在結婚河伯故首斃其四  
俾民不惑而鄴人免為魚焉廉范守成都知其弊在火  
禁故下車之初毀削先令聽民夜作百姓以為便而歌  
之二人古良吏也其載諸史冊赫赫在人耳目歷久而不  
磨者亦惟先救其弊而已今天下郡國弊如牛毛為  
守令者舍是弗圖而或以他術先之可謂知所務耶肇  
慶為郡上通蒼梧下接南海蒼梧乃奉命專征兩廣文

武大臣開府建節之地而近世復以中官叅之南海則  
東廣藩臬諸司蒞政之所凡諸司政令之建革刑獄之  
讞覆兵欵之調度與夫水旱災傷之當賑卹獮猺之患  
寇盜侵掠之虞可討可撫必修虔封具信使馳詣蒼梧  
咨稟進止往來絡繹殆無虛日而開府百執事之人執  
牘乘傳以事奔告南海者亦復稱是歲時館穀之資送  
迎之費遞夫積功不可勝計而官吏夤緣奸宄誅求萬  
端民受其殃痛心疾首無所控告其來非一日矣公始

至一訊得其要領慨然嘆曰此弊不熄民何以堪則躬  
節儉礪廉介以杜其源裁不急之務簡無名之使節非  
禮之會以塞其流而又推之政事之間深謀遠計一以  
是道行之於是諸色需求十減七八財力既節疾苦自  
瘳此端民所以德公而留公之本心也嗚呼善為政者  
果不在於先救其弊也哉言者心之聲詩者言之成文  
者也公之有詩欲人無和不可得也雖然公之所以裕  
於已而孚諸人蓋有非吉之所能知者而民之所以德

公將止於斯耶抑否耶蓋又有非吉之所能知者感嘆之餘既倚韻而和其詩復僭為之序公姓黃名琥字鑾之江右豐城人於吉丈人行也

永思堂序

堂名永思識終身不忘親也為人子者終其身不忘其親可也而或以存亡易其心窮達貳其志非罪與今夫治氏之金卵人之璧天駟之駒冰蠶之錦可以動王侯易富貴贖刑辟人咸寶焉然知其可寶而寶之者身也

假微此身雖百其物將焉用之是身之可寶有甚於物明甚而吾身所從來者忽焉不思亦何忍哉景陽周君維嶽舊業鄉序時繼失怙恃後貢京師遊太學著錄選曹而歸語及二親未嘗不流涕因名其堂而請予序之夫思親之心人子孰無而不遷於物者鮮矣物雖多大端有二富貴也貧賤也先富貴後貧賤者易為隱約所射而褫其恩先貧賤後富貴者易為驕逸所乘而蔑其思苟不懼乎此而終始睠睠弗忘其親則不及人非所

患矣周世為農至維獄始以明經登仕籍將有民社之  
寄所謂先貧賤後富貴者豈其人歟士方微時冠帶食  
飲之需寢處燕遊之所與夫骨肉之歡姻交之誼皆不  
改其平素而春秋旦暮履寒霜觸陰雨吾親獨不可得  
而見雖甚忍者不能無思逮其得志綺麗足以華其躬  
肥甘足以悅其口深簷廣廈足以娛其體膚而先後奔  
走百執事之人具非疇昔之比豐乎外必嗇於中樂乎  
新必遺其故而允念其親無少變者不多見矣嗚呼為

人子者無以有已而以得志忘其親其罪可勝誅耶觀  
維獄所以名其堂其志槩可想焉姑書以為他日張本

賀鄭師順菴先生八十壽詩序

成化丁亥秋吉始鼓篋學宮其年冬邑博蒲陽順菴鄭  
先生奉命來官越九年先生秩滿去任吉亦繆汚薦牘  
竊食中外二紀於茲先生既歸堅卧不出吾庠自是更  
師屢已而律已範人規模次第奕然可觀者舍先生與  
寧德左君希哲無稱焉然希哲職司訓典與權門姻黨

嗜利無恥之人為貳凡事避嫉遠讒厚自韜匿勢有不得同於先生者聞諸故老鄉先生云吾餘邑博之賢者自大司成顧菴胡公之後百餘年間僅見鄭師一人而已以吉考之信然夫以曠越數世僅得明師二人而自先生之去積年迄今復寥寥未見則邑有明師良為難遇而吉之橫經泮水乃獨得與先生在官相始終謂非幸與先生孝友溫恭教人務端心術而謹趨向俾業一經已上咸知以飭躬濟世為務而弋取名位之計非所

汲汲焉其遇人雖樂易多怒而能慎辭命靳許可諸生  
侍側咸視其一嚙一笑卜已隆汚吉自齡年獨蒙延譽  
當時不遇歡慰自力而已安知先生之難遇也逮夫絲  
厯世故閱人既多求可媲休先生者百無一二乃知明  
師難遇不獨吾邑為然天下之通患也吉既得之以為  
終身之幸則敬事先生誠宜與事吾君事吾父者如勘  
符分禮也而因循歲月久曠就養之儀捫衷自愧其辜  
可勝言哉為幸為罪在先生固或忘之而吉不能一日

忘也今年先生春秋八十冬十月九日乃其初度之辰  
吉既賦古體一章遙拜介壽復摭平日之所不能忘者  
冠諸其顛以識吾私云詩曰

我登孔廟師來初師去令我多聲譽十年師力百倍餘  
磬磨滌濯兼吹嘘憶昨捧擁承明廬佩師訓戒同寶琚  
食人之食乘人車事乖勢激忠憤撾呼盧一擲驚羣博  
萬里風雲紛卷舒洞庭汲雪烹寒魚金馬闕頭褰暑裾  
縱觀桂海翔南墟卧聞戎馬喧儲胥豈無多士摻我祛

憶師睽違捫腹虛師今皓首出無輿事業兒孫千卷書  
天毗鬼祐世罕如羌引眉壽無窮且我生野性真狂疎  
議脫驥驅騮蹇驢祝師未畢更祝予早航閩海登師閣  
百年相倚如蛩驢

禹貢疑誤辨

貢於嶓冢導漾之下則曰南入於江東匯澤為彭蠡東  
為北江入於海於岷山導江之下則曰東迤北會於匯  
東為中江入於海此二條者朱子及九峰蔡氏皆以為

彭蠡乃江西諸水所瀦固無仰於江漢之所匯而江漢  
二水竝持東下又不見所謂北江中江者執是以疑經  
文之誤其說甚備愚嘗親厯其地細觀其說而以經文  
證之乃知經本無誤二先生之說皆過論也夫匯本訓  
迴乃下流泛溢他水勢不能洩於是迴旋渟滀瀦而為  
澤之謂也今春夏之間江漢水漲則彭蠡之水鬱不得  
流而逆注倒積滯為鉅浸茫然數百餘里無復畔岸其  
匯為澤蓋如此雖無仰於江漢之所入然實賴其下流

充叔故湖水壅閼沮抑而不能出方能成其澤耳非謂江漢之水截入澤內而為匯也若其截入為澤則但如他條曰至曰入可也何必變文言匯哉此東匯澤為彭蠡東迤北會于匯本無誤也漢水不言會者為江水所隔與彭蠡不相接也江水不言彭蠡者與漢互見也逮乎二水漸消則彭蠡之水溢出大江循南岸而行與二水頽頹趨海所謂其北則江漢之濁流其南則鄱陽之清漲是已第江水濬發最在上流其次則漢水自北岸

而入又其次則彭蠡之水自南岸而入三水並持東下  
則江為中江漢為北江而彭蠡之水入江並流為南江  
者不言可知非謂分支各派判然殊途為二江也此東為  
北江東為中江入於海亦無誤也而理明義精如我朱  
子九峰又其高弟乃皆不能無疑於斯何與况經文簡  
奧其言南入於江東匯為澤蓋亦無遠不包而曰南曰  
東與今水道屈折遼邐勢正相符今卻又云本文自有  
謬處與今水道全然不合不可強解此不可曉也又按

江水自東陵而下漢水自漢陽而下其勢皆漸趨東北今湖口為江漢所匯之處正在東陵漢陽東北與經文亦合今卻又云於漢水則宜改曰南匯彭蠡於導江則宜改曰南會於匯此又不可曉也若夫所謂橫截而南入於鄱陽又橫截而北流為北江又謂至此而後一先一後以入於彭蠡既匯之後又復循次而出以為二江此自說者之誤非經文之誤也蓋經意以為漢雖入江而自循北岸以達於海不可泯滅故有東匯北江入海

之文朱子偶未之思以為二水既合則有江無漢故既  
疑其誤而復有取於鄭樵之說以為東匯澤為彭蠡東  
為北江入於海二句宜衍蔡氏篤信朱子不復別求其  
說遂再立論以疑經皆非也或曰南之有江猶北之有  
河皆大水也然渭水洛水皆入於河不言中河北河安  
知中江北江之說不為誤乎是不然河源遠出閼磨黎  
山自積石龍門而下氣勢雄猛流波洶湧而洛渭二水  
近出鳥鼠同穴熊耳諸山不數百里遂達於河幾不能

見安得與河為敵若夫江源出於岷山漢源出於嶓冢既不相遠而其通流之地大小雖殊終不相掩則漢雖入江猶得各紀其為匯為江入海之實夫豈過乎河可以包渭洛而江不得以包漢故於兗州則曰九河既道不兼渭洛而言荊州則曰江漢朝宗於海對舉二水而並言之貢之立義精矣嗚呼經賴真儒而明貢有朱子及蔡氏者為之辯析其義猶晦信夫說經難矣

綱目發明辨

尹起莘氏發明綱目所書魏王曹丕稱皇帝廢帝為山  
陽公漢中王即皇帝位謂陳壽志三國全以天子之制  
予魏而以列國待漢故通鑑因之以魏紀年至綱目始  
以昭烈承獻帝之後紹漢遺統益通鑑自謂姑取其年  
以紀諸國之事故其說不得不出於彼綱目取春秋之  
義以示天下萬世之正論故其說不得不出於此二者  
固並行而不相悖要亦有待於互相發明此不知綱目  
者也信如其說則是三國志通鑑之帝曹丕綱目之帝

昭烈蓋亦無乎不可而朱子特筆起義初非本于天理  
人心之不可泯滅不過別立一說以與他書角立相表  
裏豈其然乎陳壽之帝曹丕陳壽之罪也通鑑因而不  
改司馬公之失也綱目特筆改定此乃朱子所以扶天  
經正人紀以杜後世篡竊之源天下古今之大義也漢  
自桓靈不君四海靡沸獻帝寄食虎口不得一有所為  
然而天命猶未改也故昭烈以親高皇帝子孫奮興閭  
閻規恢前烈雖有志弗就然名正言順豈彼奸雄僭偽

所可同年而語耶今有鉅室之家中葉震業末祚寢微其強奴悍婢因而盜其貨寶據其貲產以自雄於一鄉視其故主子孫僅同役廝此固王法必誅無赦者也設使縣官無識而誤坐之監司依違不施折辨為司寇者心知其冤復可漫無一語以相可否邪故陳壽之志縣官無識而誤坐之也通鑑所紀監司依違不施折辨者也綱目所書司寇據經執理以論其冤也今按分目所載正以見壽之謬妄無稽與溫公因仍不改之失而反

謂其並行不悖互相發明可乎嗚呼高帝子孫稱尊如  
故乃帝僭偽以擠之使天壤易位冠履倒施習以為是  
而莫覺其非者垂千年矣不有綱目特筆大書表而正  
之則春秋尊王之義終隱弗彰而亂臣賊子接踵當世  
豈復自知其罪耶事固有可以互相發明者而不在乎  
是也予嘗求而得之如諸葛孔明所謂漢賊不兩立王  
業不偏安詞嚴義正凜如秋霜正與綱目所書先後互  
相發明而反以其討賊為入寇者果何謂耶其心亦安

忍耶陳壽悖妄小人無足言者孔明君實未知其孰賢  
然使君實生於孔明之世吾不知其事曹氏與孫氏與  
抑昭烈與姑併述之以俟知者

張南軒先生諸州學記解

有是物必有是用舍其用以為言非善言者也簀而寢  
几而憑釜鬻而炊杵臼而鑿天下之物未有無用虛設  
者也今有童子於此指簀而問何為必告之寢指几而  
問何為必告之憑至於指釜鬻指杵臼為問亦必明言

以告之烏有宛曲譏張依違失義忍以愚弄其兒而可為乎況堂堂士君子麗澤之區實道術隆污風化盛衰之所關繫而借重于我之一言又可不究其為用之實俾燦如繁星人人仰見得以相師相勗同臻於斯道乎予觀張南軒先生所作諸州學記未有不援學所以明人倫及三綱五常為說者因陳襲朽不以為嫌讀者往往未及終篇已欠伸思睡或竊笑其雖不作可也嗚呼此南軒之所以為南軒非後學所敢輕議也與先生學

校之制甚詳其政甚備豈直聳人觀瞻而驅諸少年者聚謀資身之策耶固使學者各明人倫復其天性而已使是記出於宋諸文士之手必思篇立一說變化鼓舞而黼黻笙鏞鏘煌焜耀良可娛人耳目忘倦然譬諸朝霞夕靄千態萬狀倏忽有無非不爛然可觀而隨風蕩滅不震不霖則其澤物之功微矣况文勝質敝者自然之理而臧三耳之說雖工終不如兩耳之坦明易曉也今為文勤諸金石垂耀將來徒取膾炙人口以賈聲稱

於我與抑欲風厲士心使之正其趨歸與苟欲風厲士  
心正其趨歸則遺棄本用別為一種艱深恍惚之說紿  
誑豎孺以為工者未見其可也肆觀先生他作率能別  
出意見推陳致新夫豈獨拙於此耶其用在是君子立  
言垂範固不可舍重趨輕徒滋無益而已今見操罟握  
罾者不談取漁之術見荷鍤秉耒者不道力穡之方而  
姑與之箕踞危坐厯舉古諸無稽連鼈雨粟之說以相  
蠱媚將使之蕩然遊心汗漫不至盡喪其業而敗其生

不已也然則力慕神奇不究物用以為說非徒無益乃  
種禍於人者也曾謂南軒為之乎余嘗厯觀宋諸文士  
之文弘舒暢沛雖或不能盡協於道而議論淵源抑揚  
開合節奏疾徐自中程度非苟作者故能各名其家可  
傳於後近見有操筆執牘傲然以能文自負者夷考其  
歸不過追琢辭華以泄其胸臆之私見或剽竊老佛之  
緒餘甘心自危於聖人之道而不知恤此固宋諸文士  
之罪人設遇先生請備驅使猶或麾斥不容而彼方且

自珍其說以為腹誹先生之計嗚呼可謂愚哉

書遜志先生送平元亮序後

余觀遜志先生與平元亮論文其間有曰魏氏迄乎唐初天下之言文者諛乎人而已矣宜乎時而已矣何有於道哉唐之中世昌黎氏嘗一反之而道不足以逮文宋之盛時程氏嘗欲拯之而文不能以勝道歐氏蘇氏學韓氏者也故其文昌朱氏張氏師程氏者也故其道醇合二者而有之庶幾不愧於古乎而天下未見其人

也余始聞其說而喜之既而不能無疑何則窮天地亘古今而不易者其惟道乎若夫發而為文則其膚理脈絡聲音態度自不能無肥瘠浮沉輕重疾徐之辨或隨風氣以變遷或與世道為升降如燕人之御狐貉越人之業締麻雖有莊列之談儀秦之辨不能諭之使必同也市井之人其詞夸鄉里之人其詞質彼豈惡同而好異哉勢使之然也故程朱之文不能同於孔孟孔孟之文不能同於周公亦其勢有不得不然者聖賢何心哉

然其道固未始不同文以明道道苟同矣文雖不同庸何傷今責為程朱之道者曰胡不兼乎韓歐之文是猶責行王道之人曰胡不兼乎五霸之術也吾恐霸者之術未必能兼識者有以窺見其淺深矣道者水之源也文者水之流也其源深以清其流浩以潔者周公孔子是已後世惟二程朱子抑或可以當之復何不足而他俟乎韓歐蘇氏平生精力敝於為文而謀道鹵莽故其蔚然成章非無可觀而槩以精義入神之說其有合者

鮮矣有志於程朱者勿為他岐之所惑其庶幾乎因書以自勵

跋傳芳錄

按牒大義之陳系出古靈族鉅以顯其在閩中與齊之國高晉之樂邵諸宗無異蒙菴先生既彙先世已來所藏諸名公敘述銘贊題跋諸凡釐為是錄命吉訂其訛缺將壽諸梓以傳吉始事恥菴先生鄉邦間親其玄微深遠之識公平正大之心溫雅嚴重之操竊以為淵源

所自殆非一人一日之積而所以垂裕後昆者蓋又未  
涯也今幸備官蒙菴先生部內拜觀是錄於稽其宗竊  
喜偶符所憶而恥菴先生厭世餘十年矣撫卷興思不  
覺掩泣嗚呼吉之所知者無如恥菴先生而恥菴之所  
不可傳者非是錄所能盡也絅齋諸公以是例之固可  
槩見而拘拘捕逐風影者能有得耶然則是錄亦陳氏  
之糟粕而欲得諸陳風規心術之詳抑亦別有說與

跋滇遊集

是詩作於正德戊辰已後時瑾賊誅鋤善類殆盡吾邦  
縉紳被禍尤慘者數人公其一焉然手是編多寄懷於  
物抑揚美刺咸有體裁不激不露驟然窺之蓋莫覺其  
傷於虎者而公之識度修遠亦不可及矣然予舊讀變  
雅諸什見其於皇父暴公之徒皆直斥其名力覈其惡  
不以幅幅詆毀為嫌當時作者豈皆昧於溫厚和平之  
體誤被登採耶嗚呼識者于此可以觀世變矣瑾之惡  
亘古今僅一見者使其生於周季未必不為詩人口實

而皇父暴公之徒越在今日則雖備諸醜態亦或隱而  
弗彰矣然則觀是集者固當深悲其志而一人之訛信  
利害如陰陽旦暮交代於前殆不足論云

題吳氏累葉傳芳卷

并辭

古者人臣克樹勲庸流德美於時則紀諸太常銘於鐘  
鼎所以昭物軌崇報章也後世此制既廢幸而禮數之所  
齒及貨力之所能為沒則侈之以神道之碑墓間之  
碣雖無取於貞明大烹之義猶使人得以考見而不磨

也苟耗於制額困於乏財而不得以為既其斃矣身名  
翳如則與浮英濡沫同一腐爛澌滅而已豈不大可憫  
耶梅峰之吳為莆望族世有哲人今西廣副使守愚先  
生特為是懼既作斯卷因裒舉其先鳳舉進士而下數  
公槩括其可傳者約為一狀徧告諸方作家為之揄揚  
而吉以屬傳亦與聞焉嗚呼幸而猶有是乎否則諸吳  
之善吾不得而知也夫吉之淺陋亦何足云今有碩膚  
博洽之士而欲以一人之心周天下之務無以為徵吾

見所遺亦衆矣故諸吳之善須此以傳無疑也憲使公之用心勤矣使人人以憲使公之心為心固足以章顯揚之孝而苟有善徵雖乏登載之具畏無聞乎第吳世蟬嫣名聲薦剡者後先相望甚衆而是卷所錄暨公五人耳餘固若是其泯泯與曰無傷也此僧入僧堂不言而出識者以為其聲若雷是也世有作者憂不傳耶亦憂其無可傳而已矣間執此義為言公遽命識諸顛末而重之以辭

瓊榮兮旖旎麗寒崿兮巒屹悵佳人兮不見念憂思兮  
無端襲美藻兮蕙帶櫑槍為履兮卿雲為冠把芳馨兮  
歲晚遺所思兮孔安馭赤豹兮玄菟參列仙兮遊歡厭  
下世兮橫埃湍騎箕尾兮薄清寒嗟末脩兮中險艱公  
再競兮理數還攬衡芷兮藉茵簡觸鳴王兮弄幽潺聲  
要眇兮滿區寰

復菴先生墓誌銘

公諱崇字尚賢別號復菴姓楊氏豫章豐城人科第起

家仕至永州太守謝事家居三十餘年卒曾祖名顯元  
末國初隱居教授以詿誤謫戍遼陽後遇例放歸自便  
猶授徒不輟祖德義早卒父行素母季氏以洪熙改元  
乙巳夏四月初七日生公少欽曾大父數學自立見重  
當時遂屏他業折節讀書甫長聞崇仁蘿谿胡九韶先  
生師事康齋吳聘君學有源委乃往師之蘿谿教人必  
使先讀小學四書涵養性情以端其本故公雖治舉子  
業然力惇行檢為文崇雅黜浮不逐時好皆以學有師

承自規矩繩墨中來也景泰庚午江西鄉試中式明年  
春試報罷退而業於太學益自淬礪而終弗利於南宮  
越十二年天順壬午拜官同知廣西桂林府事屬邑陽  
朔數被寇難公一視之即能得其要領命輦江中巨石  
增埤峻之小石畚置埤陰無算寇復至疑江水驟深不  
敢縱渡間有亂流至埤下者廂兵乘城手石奮擊如雨  
遂皆扶傷而去自是不敢輒窺郢郭皆公之力也成化  
丙戌上命銓憲大臣考覈庶官任職否者罷陟之如故

事時輿論右公特陞柳州府知府移檄赴任柳麗郭馬平縣學久乏人材公至陟降顧瞻嘆曰相其陰陽觀其流泉俱無協也而奚望乃即其地易置位局撤而新之不數年間髦士彙興不絕雖事有適然亦公舉不愆度之明驗也未幾以內難去位壬辰改知湖廣永州府事永苦徭役不均公痛釐積弊以三等九則之法潤澤推行役遂大均當道嘉嘆且檄他郡依倣行之會征貴州苗賊及建造秀王府第行省調度饋運工需銀兩動以

數萬計公力陳本郡土瘠民貧非他郡比所運裁省殆  
四之三其為政使民陰受其賜而不知多此類也公謝  
事在成化十有四年戊戌後弘治乙丑今上即位加恩  
區內詔以本官致仕其卒在正德四年己巳月惟郊之  
哉生魄享年八十有五先苦脾疾增劇貌益癯而神益  
清每中夜起坐或盥櫛待明臨終正衣冠據椅危坐問  
曰子時耶家人曰然遂瞑目而逝公行已守官俱有本  
末然以簡伉鼓讒弗究於用議者惜之配劉氏邑豪長

者尚寧公之女以子貴累贈至宜人生有賢行事舅姑孝姑老病風飲食興居瘦不自力宜人為之節宣調護歷十年如一日焉先公十六年卒壽七十三子男五曠例授迪功郎廉前進士歷官南京太僕少卿俱劉宜人出康側室李氏出麻席俱張氏出而席早卒女三壻熊兆夏卿徐梗孫男九數孜歛畋放攷牧闕而康與數孜俱舉人數以乙科署邵武教諭事焉歛畋俱生員曾孫男二俱幼公卒之年十有一月某日曠等奉柩與母

劉合葬於邑之某鄉某山吉與廉發解同年而廉第一  
前期率諸弟泣拜乞識其幽銘之義不敢辭銘曰

載勑若事自祈多飲越在厥嗣不揚直聲憲古名卿惟  
黷與徵京復輩作翩然鸞鶴霄漢是薄惟天祐公少鬱  
于躬以振其宗

封屯田員外郎德興舒公墓誌銘

按狀新營之舒實出四明其先有諱賀者值唐季黃巢  
倡亂蹤跡東南諸郡幾無完封賀帥義旅追擊至德興

之嵩埠立壁困之賊敗去賀以壁地川谷衍秀顧而樂之巢誅論功郎屯營拜征虜踏白將軍武濟大夫乃易其地今名居之遂世為德興人君名琥字廷章曾祖祖壽祖仲吾父昭遠號葵菊翁俱不仕母程氏以永樂己丑閏四月某生君少長銳志讀書晝夜不輟期在奮迹自邁然葵菊恬淡潔修有逍遙物外之意甫冠即以家政畀君戒勿出君重違父命乃謝絕世故杜門養親雖家計益窘不恤後以子清貴累封承德郎工部營繕主

事奉直大夫屯田員外郎清官京師及出參河南省事  
俱迎養至邸所善名卿大夫必先拜之執爵慶勞畢  
其風規大好咸嘆息升車而去祿養二十餘年齒德兼  
懋邦人尊之而君自顧欵然有譽及者輒搖首曰吾兒  
不以善養以祿吾何德堪之遺纓袍稽田自力人莫測  
焉弘治己酉春二月某方與客棋遽呵呵無疾而卒年  
八十有一君為人孝友勤儉悃愞無華嘗大雪躬漁於  
河以養勗清曰我懼廢爾業勤劬至此爾不努力讀書

不負我乎憂諸子惰恒戒之曰爾父平生夙興夜寐敝衣菲食疾驕逸如仇讐僅克有立而敢惰而股肱鮮不害於而家矣其義方之訓率多類此故清厯官三十餘年公忠潔白剛正之風凜然難犯而又飲人以和不露形迹固其天分休雅然家庭之間父師薰染之功多矣嘗讀列子愚公移山故事笑曰此人厲志堅永不規近效計成敗大類我因自號移山居士配王氏封宜人同邑王某之女某既卒一子尚幼子無傍親妻某孀居莫


倚資產多為邑豪所奪不能自存君謀諸宜人迎歸奉  
養十餘年母子相繼病死卜地葬之歲時家廟祭畢別  
為位致祭如儀且囑子孫毋改曰若使王氏為若敖氏  
之鬼吾死不女福宜人先君十年卒葬本里下馬山之  
原其年冬十月某日清等奉柩合葬焉子男四長洪仲  
即清官至廣西左布政使次滄次潔女二長適胡璇次  
祝穩孫男十六松桂槐朴橈檠柯機橋楊樽梗樞樣櫈  
桷始以旋葬窀穸刻缺焉清既投老大懼他日無以為徵

屬筆於吉重以親故辭旨大哀吉不敢讓謹拜稽首誌而銘之

唐經蕩覆國步隳寃句妖兒鞭虎馳血波活活骨成坻  
南土糜沸誰熜炊將軍奮劒來東陲長驅奕奕揚義麾  
難紓捷奏天寵脫築居依壁流鴻禧聞孫潛德吁可師  
斧箸不括乘尾箕伐遠聲沈徵我辭

昔讀通紀得閻張古城先生彈繼曉及李孜省疏知  
先生立朝大槩丁卯秋受事來餘自軍興後為頤

脫地竊獨喜為張先生桑梓之鄉與胡文敬先生接  
里閈夙昔私淑故操履敦尚後先若一獨怪兩先生  
文集俱因兵燹散失無遺使後之人欲景行者嘆無  
從焉豈非斯道之餘憾乎榆梓文敬先生集畢即訪  
古城先生遺藁幸原本慙存於簿書餘隙挑燈繙閱  
謬為條析序次為卷者六謹付剞劂工甫竣復得文  
若干首久逸在人間亟補入以徵璧合并畧述梓行  
之原委於簡末云毘陵後學楊榆謹識



古城集補遺